



JABATAN HAL EHWAL AGAMA ISLAM PULAU PINANG

Khutbah Aidilfitri 1443H

“ Aidilfitri Dirai, Hikmahnya Dihayati ”

Tarikh Bacaan:

**1 SYAWAL1442H/
3 MEI 2022M**

فرچیتقن دبیایاءى:



زكاة قولوا فينغ

No Telefon: 04-549 8088



***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



تيك س خطبة عيد الفطري 1443هـ

Aidilfitri Dirai, Hikmahnya Dihayati

(1 Syawal 1443H / 3 Mei 2022M/)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

اللَّهُ أَكْبَرُ كَثِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ بُكْرَةً وَأَصِيلًا، لَا إِلَهَ إِلَّا اللَّهُ وَحْدَهُ،
صَدَقَ وَعْدُهُ، وَنَصَرَ عَبْدَهُ، وَأَعَزَّ جُنْدَهُ، وَهَزَمَ الْأَحْزَابَ وَحْدَهُ،
لَا إِلَهَ إِلَّا اللَّهُ وَلَا نَعْبُدُ إِلَّا إِيَّاهُ مُخْلِصِينَ لَهُ الدِّينَ، وَلَوْ كَرِهَ الْكَافِرُونَ،
لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ.

الْحَمْدُ لِلَّهِ الَّذِي سَهَّلَ لِلْعِبَادِ طَرِيقَ الْعِبَادَةِ وَيَسَّرَ، وَوَفَّاهُمْ أَجُورَ أَعْمَالِهِمْ مِنْ
خَزَائِنِ جُودِهِ الَّتِي لَا تُحْصَرُ، وَجَعَلَ لَهُمْ يَوْمَ عِيدٍ يَعُودُ عَلَيْهِمْ فِي كُلِّ سَنَةٍ وَيَتَكَرَّرُ،
وَزَكَّى أَبْدَانَهُمْ مِنْ دَرَنِ السَّيِّئَاتِ وَطَهَّرَ، أَحَمَدُهُ سُبْحَانَهُ وَتَعَالَى وَهُوَ الْمُسْتَحِقُّ لِأَنَّ
يُحْمَدَ وَيُشْكَرَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْمَلِكُ الْعَظِيمُ الْأَكْبَرُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ الشَّافِعُ الْمَشْفَعُ فِي الْمَحْشَرِ.



اللَّهُمَّ صَلِّ وَسَلِّمْ عَلَى عَبْدِكَ مُحَمَّدٍ وَعَلَى آلِهِ وَاصْحَابِهِ الَّذِينَ أَذْهَبَ اللَّهُ عَنْهُمْ
الرَّجْسَ وَطَهَّرَ .

أَمَّا بَعْدُ فَيَا عِبَادَ اللَّهِ، أُوصِيكُمْ وَنَفْسِي بِتَقْوَى اللَّهِ فَقَدْ فَازَ الْمُتَّقُونَ الْأَخْيَارُ،
وَأَحُثُّكُمْ عَلَى طَاعَتِهِ لَعَلَّكُمْ تُحْشَرُونَ فِي زُمْرَةِ الْأَبْرَارِ.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

PARA TETAMU ALLAH YANG DIRAHMATI,

Bertakwalah kepada Allah *سُبْحَانَهُ وَتَعَالَى* dengan melaksanakan segala perintah-Nya dan menjauhi segala larangan-Nya. Mudah-mudahan kita sentiasa berada dalam rahmat dan keredhaan Allah di dunia mahupun di akhirat. Di pagi Aidilfitri yang indah ini khatib akan menyampaikan khutbah yang bertajuk: “**Aidilfitri Dirai, Hikmahnya Dihayati.**”

MUSLIMIN DAN MUSLIMAT YANG DIRAHMATI ALLAH,

Aidilfitri disambut dengan penuh kesyukuran. Gema takbir dan tahmid dilaung memenuhi ruangan, tanda syukur dizahir saat mengagungkan Tuhan. Pada hari lebaran yang penuh kesyahduan, terpapar kegembiraan pada wajah insan-insan yang beriman.

Ramadan meninggalkan kita dengan 1,001 pengajaran. Bagi yang beriman serta merasai nikmat beribadah, perginya Ramadan ditangisi, datangnya diharapkan lagi. Apa yang pasti, Ramadan yang siangnya diwajibkan berpuasa telah menguji kekuatan jasmani, kekuatan minda dan



rohani. Amalan puasa telah menyemai disiplin, membimbing insan mengawal hawa nafsu. Manusia sering tergelincir ke lembah hina disebabkan gagal mengawal nafsu hingga bersifat tamak dan haloba, riak, sombong dan angkuh. Melakukan pembaziran, mencetuskan persengketaan hingga merosakkan keharmonian dalam kehidupan.

Segala kerosakan dan kebinasaan berlaku kerana manusia didorong oleh hawa nafsu yang tidak terkawal. Allah **سُبْحَانَهُ وَتَعَالَى** berfirman dalam surah Yusuf ayat 53:

وَمَا أُبْرِئُ نَفْسِي إِنَّ النَّفْسَ لَأَمَّارَةٌ بِالسُّوءِ إِلَّا مَا رَحِمَ رَبِّي إِنَّ رَبِّي غَفُورٌ رَحِيمٌ ﴿٥٣﴾

Maksudnya: Dan aku tidak (mengatakan) diriku bebas (daripada kesalahan), kerana sesungguhnya nafsu itu selalu mendorong ke arah kejahatan, kecuali (nafsu) yang diberi rahmat oleh Tuhanku. Sesungguhnya Tuhanku Maha Pengampun, lagi Maha Mengasihani.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

MUSLIMIN MUSLIMAT YANG DIMULIAKAN ALLAH,

Hari ini kita menyambut 1 Syawal, Hari Raya Aidilfitri. Hari yang Allah anugerahkan kepada para hamba-Nya yang berjaya melalui dugaan mengawal nafsu. Aidilfitri disambut bagi menzahirkan kesyukuran dengan mengagungkan Tuhan. Kalimat fitri bermaksud fitrah, iaitu kejayaan manusia kembali kepada fitrah yang asal. Dilahirkan bersih daripada dosa dan noda, lalu Allah **سُبْحَانَهُ وَتَعَالَى** menganugerahkan satu hari istimewa yang dilimpahkan keriangannya sebaik Syawal hadir bersama terbitnya fajar.



Rasulullah ﷺ menyeru agar Aidilfitri dijadikan hari untuk menguatkan perpaduan. Baginda mengisytiharkan Aidilfitri sebagai hari kedamaian, hari kegembiraan dan hari keriang. Sambutlah Aidilfitri dalam suasana damai, gembira dan riang dengan mengeratkan silaturahim. Sambutlah Aidilfitri dengan menyemaikan rasa kasih sayang sesama insan.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

MUSLIMIN MUSLIMAT YANG DIRAHMATI ALLAH,

Aidilfitri hendaklah disambut berlandaskan syariat dan ajaran Islam. Banyakkan bersedekah, terutama dalam kalangan kita yang telah dianugerahkan dengan pelbagai keistimewaan nikmat dan kesenangan rezeki. Hurlurkan bantuan kepada fakir miskin. Limpahkan kasih sayang dan pemberian kepada anak yatim. Muliakan orang tua kita yang semakin uzur dimamah usia. Tunaikan zakat harta dan zakat fitrah sebagai bukti bersyukur kita atas nikmat harta yang dilimpah.

Namun keghairahan dan keseronokan menyambut Aidilfitri juga jangan sampai mengalpakkan kita akan musibah yang sedang melanda dunia ketika ini. Pelbagai ujian seperti *Covid-19*, bencana alam, penindasan umat Islam di luar negara dan sebagainya merupakan siri peringatan yang silih berganti agar kita tidak lalai dengan dunia. Segala yang terjadi di muka bumi ini adalah dalam pengetahuan dan perancangan Allah, tiada siapa pun dapat melangkaui ilmu Allah *سُبْحَانَهُ وَتَعَالَى*. Firman Allah dalam surah al-Taghaabun ayat 11;

مَا أَصَابَ مِنْ مُّصِيبَةٍ إِلَّا بِإِذْنِ اللَّهِ وَمَنْ يُؤْمِنْ بِاللَّهِ يَهْدِ اللَّهُ قَلْبَهُ وَاللَّهُ بِكُلِّ شَيْءٍ عَلِيمٌ ﴿١١﴾



Maksudnya: *“Tiadalah menimpa sesuatu musibah melainkan dengan izin Allah, siapa yang beriman kepada Allah akan diberi petunjuk kepadanya dan Allah mengetahui atas segala sesuatu.”*

Segala bentuk ujian yang melanda memberi kesan besar namun hidup perlu diteruskan. Jika kita melihat sesuatu perkara itu dari sudut positif berserta dengan pergantungan yang kuat kepada Allah **سُبْحَانَهُ وَتَعَالَى**, maka ia akan menjadi positif dan begitulah juga sebaliknya.

Di samping berikhtiar, kita juga sebagai hamba Allah **سُبْحَانَهُ وَتَعَالَى** perlu memperbaiki diri dengan bertaubat dan bermunajat kepada Allah kerana dibimbangi wabak dan segala bentuk bencana yang diturunkan Allah ini adalah berpunca daripada dosa-dosa yang kita lakukan. Jangan melakukan sebarang bentuk kemaksiatan dan kemungkaran yang boleh mendatangkan kemurkaan Allah. Tidakkah kita mengambil pelajaran daripada kisah umat-umat terdahulu yang diturunkan bala Allah kepada mereka? Allah **سُبْحَانَهُ وَتَعَالَى** yang menurunkan ujian, Allah jugalah yang melepaskan kita daripada ujian. Ingatlah bahawa Allah membuka pintu rahmat seluas-luasnya kepada hamba-Nya yang bertaubat. Firman Allah dalam Surah az-Zumar ayat 53:

قُلْ يَاعِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا
إِنَّهُ هُوَ الْغَفُورُ الرَّحِيمُ ﴿٥٣﴾

Maksudnya: *“Katakanlah (wahai Muhammad): "Wahai hamba-hambaKu yang telah melampaui batas terhadap diri mereka sendiri (dengan perbuatan-perbuatan maksiat), janganlah kamu berputus asa daripada rahmat Allah, kerana sesungguhnya Allah mengampunkan segala dosa; sesungguhnya Dia lah jua Yang Maha Pengampun, lagi Maha Mengasihani”.*



MUSLIMIN DAN MUSLIMAT YANG DIRAHMATI ALLAH,

Sambutlah Aidilfitri mengikut lunas yang ditetapkan syarak. Lunas yang memiliki nilai ibadah, agar amal makruf yang dilakukan sepanjang Ramadan menjadi lengkap dan sempurna. Hindarkan perbuatan membazir, bermewah-mewah dan bermegah-megah yang boleh mendorong kepada rasa riak. Kemuliaan Syawal jangan dicemari dan dinodai dengan perbuatan-perbuatan mungkar. Gunakanlah nikmat Hari Raya yang berharga ini dengan kunjung-mengunjung saudara mara dan kenalan yang masih ada. Amatlah rugi jika Aidilfitri yang dapat kita raikan dibazirkan dengan hiburan yang melalaikan atau bermain telefon bimbit sehingga tidak mempedulikan orang sekeliling.

Mungkin bagi sebahagian dari kita, Aidilfitri kali ini sedikit berbeza. Ada yang kehilangan pasangan hidup, anak, ibu ayah atau orang tersayang. Walau apa pun keadaan, inilah takdir hidup terbaik yang Allah aturkan buat kita para hamba. Justeru, ayuh kita bertekad untuk membersihkan jiwa dan kembali kepada fitrah Islam. Sambutlah hari raya ini dengan penuh syukur, berbaik sangka, rasa bersaudara, saling bermaaf-maafan dan mempererat silaturahim sementara nyawa masih ada.

PARA TETAMU ALLAH YANG DIRAHMATI,

Mengakhiri khutbah Aidilfitri pada pagi ini, khatib ingin menekankan beberapa intipati yang boleh diambil perhatian oleh Muslimin Muslimat sekalian;

Pertama: Meraikan sambutan hari raya merupakan salah satu syariat Islam yang menunjukkan bahawa Islam amat sesuai dengan fitrah insani.



Kedua: Aidilfitri mengajar kita untuk saling berkasih sayang dan menghubungkan silaturahmi serta menghulurkan bantuan dengan saling bantu-membantu sesama insan.

Ketiga: Kita wajar menggunakan kesempatan pada bulan yang mulia ini untuk saling memaafkan antara satu sama lain seterusnya memantapkan ikatan persaudaraan sesama umat Islam. Manfaatkanlah pelbagai kemudahan teknologi komunikasi yang ada dengan menghubungi orang yang jauh agar dapat saling sapa menyapa, bertanya khabar dan berita.

Firman Allah **سُبْحَانَهُ وَتَعَالَى** dalam Surah ali-Imran ayat 103:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَتَ اللَّهِ عَلَيْكُمْ إِذْ كُنْتُمْ أَعْدَاءً فَأَلَّفَ بَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا وَكُنْتُمْ عَلَى شَفَا حُفْرَةٍ مِنَ النَّارِ فَأَنْقَذَكُمْ مِنْهَا كَذَلِكَ يُبَيِّنُ اللَّهُ لَكُمْ آيَاتِهِ لَعَلَّكُمْ تَهْتَدُونَ ﴿١٠٣﴾

Maksudnya: “Dan berpegang teguhlah kamu sekalian kepada tali Allah (agama Islam), dan janganlah kamu bercerai-berai; dan kenanglah nikmat Allah kepada kamu ketika kamu bermusuhan-musuhan (semasa jahiliyah dahulu), lalu Allah menyatukan di antara hati kamu (sehingga kamu bersatu-padu dengan nikmat Islam), maka menjadilah kamu dengan nikmat Allah itu orang-orang Islam yang bersaudara. Dan kamu dahulu telah berada di tepi jurang neraka (disebabkan kekufuran kamu semasa jahiliyah), lalu Allah selamatkan kamu daripada neraka itu (disebabkan nikmat Islam juga). Demikianlah Allah menjelaskan kepada kamu ayat-ayat keterangan-Nya, supaya kamu mendapat petunjuk hidayah-Nya.” (Surah ali ‘Imran ayat 103)



بَارَكَ اللَّهُ لِي وَلَكُمْ بِالْقُرْآنِ الْعَظِيمِ. وَنَفَعَنِي وَإِيَّاكُمْ بِمَا فِيهِ مِنَ الْآيَاتِ
وَالذِّكْرِ الْحَكِيمِ. وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُوا اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ،

اللَّهُ أَكْبَرُ وَلِلَّهِ الْحَمْدُ.



خطبة كدوا عيد الفطري

(3 Mei 2022M/ 1 Syawal 1443H)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ

اللَّهُ أَكْبَرُ، وَلِلَّهِ الْحَمْدُ

الْحَمْدُ لِلَّهِ رَبِّ الْعَالَمِينَ، حَمْدًا كَثِيرًا طَيِّبًا مُبَارَكًا فِيهِ عَلَى كُلِّ حَالٍ،

أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا رَسُولُ اللَّهِ لَا نَبِيَّ بَعْدَهُ.

اَللّٰهُمَّ صَلِّ وَسَلِّمْ عَلَىٰ هَذَا النَّبِيِّ الْكَرِيمِ وَالرَّسُولِ الْعَظِيمِ سَيِّدِنَا وَحَبِيبِنَا مُحَمَّدٍ
وَعَلَىٰ آلِهِ وَأَصْحَابِهِ وَمَنْ أَحَبَّهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

MUSLIMIN DAN MUSLIMAT YANG DIRAHMATI ALLAH,

Alhamdulillah. Khatib mengucapkan tahniah di atas kemenangan semua yang berjaya menunaikan ibadah puasa dan amal kebaikan di bulan Ramadan. Khatib juga mengucapkan Selamat Hari Raya Aidilfitri dengan ucapan:



تَقَبَّلَ اللَّهُ مِنَّا وَمِنْكُمْ وَكُلُّ عَامٍ وَأَنْتُمْ بِخَيْرٍ

Maksudnya: “Semoga segala amalan yang kita lakukan (sepanjang bulan Ramadan) diterima Allah dan setiap tahun dalam kehidupan yang baik.”

Khatib juga ingin mengingatkan pesanan Rasulullah ﷺ supaya berpuasa enam hari dalam bulan Syawal. Berdasarkan hadis daripada Abu Ayub Al-Ansori bahawa Rasulullah ﷺ bersabda:

مَنْ صَامَ رَمَضَانَ ثُمَّ أَتْبَعَهُ سِتًّا مِنْ شَوَّالٍ، كَانَ كَصِيَامِ الدَّهْرِ

Maksudnya: “Barangsiapa yang berpuasa kemudian diikuti dengan puasa enam hari di bulan Syawal, maka ia seumpama berpuasa sepanjang tahun.”

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

MUSLIMIN DAN MUSLIMAT YANG DIRAHMATI ALLAH,

Mimbar juga menyeru para jemaah agar kita istiqamah berpegang kepada Aqidah Islamiah berteraskan Ahli Sunnah Waljamaah, yang menjadi warisan Rasulullah ﷺ, sahabat dan tabiin, hingga ke hari ini. Jagalah hubungan dengan Allah *سُبْحَانَهُ وَتَعَالَى* dan sesama makhluk. Imarahkanlah rumah Allah dengan terus-menerus mengerjakan ibadah dan solat fardu secara berjemaah.

Seterusnya, tunaikanlah zakat yang merupakan salah satu dari Rukun Islam. Solat menjaga hubungan manusia dengan pencipta-Nya, manakala zakat menjaga hubungan sesama manusia. Maka dengan itu, difardukan



kepada setiap Muslim untuk menunaikan zakat fitrah sekali setahun setibanya Aidilfitri sebagai pelengkap zakat badani.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

MUSLIMIN MUSLIMAT YANG DIKASIHI SEKALIAN,

Pada hari ini juga, marilah kita memperbanyakkan ucapan selawat dan salam ke atas junjungan besar Nabi Muhammad ﷺ. Firman Allah SWT dalam Surah al-Ahzab ayat 56:

{ إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا }

اَللّٰهُمَّ صَلِّ وَسَلِّمْ وَبَارِكْ عَلَى عَبْدِكَ وَرَسُولِكَ سَيِّدِنَا مُحَمَّدٍ النَّبِيِّ الْأُمِّيِّ. وَارْضَ
اَللّٰهُمَّ عَنِ الْأَرْبَعَةِ الْخُلَفَاءِ الرَّاشِدِينَ وَعَنْ آلِهِ وَأَصْحَابِهِ أَجْمَعِينَ. وَعَنِ التَّابِعِينَ
وَتَابِعِيهِمْ بِإِحْسَانٍ إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَإِحْسَانِكَ يَا أَرْحَمَ الرَّاحِمِينَ.
اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ
بِرَحْمَتِكَ يَا أَرْحَمَ الرَّاحِمِينَ.

اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اَللّٰهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اَللّٰهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اَللّٰهُمَّ اجْعَلْهُمْ هُدَاةً مُّهْتَدِينَ
صَالِحِينَ مُصْلِحِينَ وَاشْمَلِ اَللّٰهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku



Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ وَاشْكُرُوا عَلَى نِعَمِهِ يَزِدْكُمْ وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.